

شعر بالعامية المصرية

يا سمين في "بلاد دينجا"

أكرم حسن



ياسمين في " بلاد دينجا "
تأليف : أكرم حسن

الإخراج الداخلي : رشا عبدالله
تصميم الغلاف : محمد إبراهيم

رقم الإيداع: ٢٠١٦ / ٢١٩١٩

الترقيم الدولي: 0-3-85296-977-978

الطبعة الثانية: 2017

إشراف عام : أحمد عبد الجواد



مؤسسة عابر للنشر والتوزيع



01111883712 - 01007677910



3aberorg@gmail.com



www.3aber.org



عابر 3aber

جميع الحقوق محفوظة، وأي اقتباس أو إعادة طبع أو نشر في أي صورة كانت ورقية أو إلكترونية أو بأية وسيلة سمعية أو بصرية دون إذن كتابي من الناشر، يعرض صاحبه للمساءلة القانونية.

شعر بالعامية المصرية

ياسمين في "بلاد دينجا"

أكرم حسن

مؤسسة عابر للنشر والتوزيع

ف البدايه ..
تسمحوا لي
أعرفكم أنا بنفسى؟!
أنا أكرم ودا إسمي
ميلادي كان ف سبتمبر
ثمانيه واربعين ف القدس
وعيت ع الدم والصرخه
اخويا شهيد فدا الأقصى
أبويا جريح
وعمي جريح
وجاري جريح
وخالي جريح
هموم بتطيح بلا مرسى
دموع أمي الي ربتني
حنان أختي الي ضمتني
جابتلي حصان
جابتلي قميص وجلابيه
وجزمه جديده وطاقيه
ولاعبيتني
أنا واختي وفاء ويا ..

ولاد وبنات من الحاره
تشوف ف عنيتها كام بسمه
واشوف الدمعه تتدّارى
وكانت كل يوم بالليل ..
تغنيلي
وتحكيلي
حكاية سنّنا مريم .. لحد ما انام
حنان كانت كما البُستان
بيطرح كل يوم ورده ف بسمتها
فتحت بإيدي انا دولابها
لقيت فُستان فوقيه طرحه
وف أيديها اليمين دبله
حكيتلي حنان
سبع ورقات ف كُراسه
ف يوم زفتها لحبيها
ندأله القبر برصاصه
ودمع حنان على الطرحه
وليله صحيت على صرخه
طلّعت اجري
لقيت باب بيتنا متكسر

جِلْمَت نَعُود لِّلْمَتْنَا .. مَحْدَش رَد

فَحْلَمَى اتَهْد

زَمَان كْنَا

عِشَان كْنَا ..

نَخَاف عَلَى بَعْض

لِلسهرانين زيي .. وهربانين م الضي

بعد السلام ليكم .. كل الكلام الجي

الليل سَكن مأوى .. من نهار فِضاح

كام بنت سهرانه ..

ضحكتها زعلانه

الفرح سابها وراح

كل البنات مجاريح

حتى اللي فرحانه

جواها أَلف جراح

لبنت بتفكر ..

ف حبيب صبح ذكري

وبنت جالها الأمل ..

تحلم تموت بكره

كل اللي صابُه اليأس ..

بيحب على فكره
لبنت ماعرفهاش ..
وهي تعرفني
جواها رعب كبير
داخله باميل وهمي
الحلم لسه بتول
مهما حصل لينا
والبنت أجمل شئ
مهما جرح فينا
ومهما كانت بحر
جواها ميت مينا
مين اللي عاش مجروح
غير اللي بات سهران
ياحبتتي زينا

ياسهرانين
الليل حزين زييكم
وعشان وحيد
فرحان قوي بحضنكم
الليل ما حيش حد

لو حبكُم كان قال

أو حتى كان دلكم

ياسهرانين ..

كام حد قلبه حزين ؟

كام فرد قلبه اتذل ؟

ياأيها البنت اللي صابها وداع

ياأيها الولد اللي قلبه احتل

لحظة لجوء لله

علشان نلاقي الحل

ف دولاب العُمر

احلام محطوطه ف شماعه

وهدوم من أولى وسنة تانيه

ومعاد كان بنا ومالحقتوش

وحزام مركون

وساعات باظت

وحاجات بتدُل ان انا عاقل

وحاجات تثبت ان انا مجنون

دبدوبك لسه بيستنى

الطقم اللي عرفتيه بيا

لَسَّاهُ مَرْكُونُ
وَخِلاصَةُ الْقَوْلِ
لِساكِي لَوْحِدِكَ جِوايَه .. مِنْ كُلِّ الْكُونِ

رَغْمَ اكْتِمَالِ الْحَزَنِ لِسَهْ بِتَضْحِكِي
وَسايبِه الدَّمْعَه مِنْ جِوَه
هُوَ أَنْتِي نازِلَه مِنْ السَّماءِ وَبِتَقْرِبِي لِحِوا؟!
قَوْلِيلِي أَنْتِي مِنْين ..
دَلِينِي أَرْجِوِي
قَلْبِكَ حَزِينِ جِداً ..
وَالضَّحْكَه فِي عَيْنِي
نَفْسِكَ تَكُونِي
طائِرَه كَمَا الْعِصافِيرِ
قَلْبِكَ يَرْفَرِفِ
يَنْزِلُ فِي عَشَه يَطِيرِ
قَلْبِكَ خِلاصَ سَلْمٍ
وَتَعْبَتِي مِ التَّفْكِيرِ
النَّاسِ بِتَلْمِجِ ضَحْتِكَ
وَالْقَلْبِ كُلُّهُ دَمِوعِ
قَلْبِكَ بِيَشْبَه شَجَرِ

من كام سنه موجوع
لا انتي الي عارفه توصلي
ولا حتى عارفه رجوع

غناكي

لسه انا بغنى
وغصبٍ عنى مستنى
ووعدك كل يوم ماتجيش
واجيبلك كل يوم دبله
واقولك عبلة حييني
تسيبي القلب جوه الشيش
جهارك يك
ويكك حتى ماعرفنيش



ياسمين أنا
مش هرجع تاني للغنى
صوت الكمان/
بيهز أوتار الوجد
ينزف رُطب ع الخد

زمان /

كان المعاد لاتنين

ماعرفش انام م الحد

رغم انتي فيا بتوجعي

انا مش بقولك ترجعي

لكن / تراعي الحد

الناي بيعزف للوجع

وانتي بتعزفي للناي

كل اما شوفك ارتجف

يتهز مج الشاي !

منير " مغناش للوطن

غير لما قال " ازاي "

"نخل الهموم"

ماعرفش نجم يكتبه

النخل طارح دُل

والهم متعلق

مستني طرحه الجاي

الشعر ماكتبتوش

غير لما عذبني

وانتي شجر أوجاع

قلْبُهُ ان عطش أو جاع
الجرح بيصبني
فكرت اسيب الحي
والحاره عشانك
كل أما همشي ف حي
أموت ف ترحالِك
جربت سهر الليل
والنوم شروق الشمس
يمكن عذابى يقل
زاد العذاب بالعكس
كل أما بنسى يومين
أرجع أقول ياسمين
حتى اليومين مانسيتش
لكن بقول يمكن
يمكن يكون لكن
بُعد القريب يرحل
بس القريب مارجعش
جوه الوريد ساكن
ينشط ساعات ماقدرش
أسمع " فؤاد .. فاكر "

"فاكر ليالي زمان"
فاكر ليالينا
تبقى انت والأيام
قاسين كده علينا "
ياسمين /
المنتزة موجود
والدكه موجوده
وكل الحياه اتنين
والواد بتاع الورد
بيقولى فين .. ياسمين
بصيت انا ف الأرض
حسيت خطوط العرض
عمّالة بتجمع
وانا الوحيد الفرد
عيونهُ بتدمع
طلّعت مني حجات
ورميتها ف الشارع
لكن حدود ياسمين
لقيتنى بتراجع
ياسمين /

"اجمل كلام الحب وياكي السكوت "
"وعشان نعيش / حاجات كثير لازم تموت "
" وان كنتي حرف "
فانا الكتاب
وان كنتي بحر
فانا السحاب
وان كنتي قادره ماترجعيش
ماتهدديش "

كل الاغاني سمعتها
هو انتى ايه .. مابتسمعيش !?
ياسمين ..

القطر من حزنه اتقلب ف البدرشين
والناس بتهتف ف الميدان
يسقط رحيل ياسمين



ياسمين /
أنا اللي نازل للسما
وانا اللي طالع تحت
أنا اللي مَيَّت بالحيا
ولما مُت ارتحت

انا الفقير بالغنا
وانا الغنى بالفقر
أنا اللي حاربوني
وزقوني
ولحظة سقويتي .. نجحت

انتى العصفور اللي جناحه مليون بكسور
محتاجه أمير يجي يخطفها
ويطير فتطير
وترفرف بجناحها التاني
فتقابل كل العصافير

ياساكنه ف قلبي وعينيا
بمد إيديا بإيديا
وكل شويه ازيد المد
بَ اعد الوقت باللحظة
وبرجع تاني اعيد العد
حكيت حبك لكل الخلق
لكن عمري ماقولت لحد



ياسمين
بلاش نختار
فى بغيه دخلت الجنه ..
ف قطه ساقيتها وقت الضيق
وكنت فاكرها م الفجار
وناس بتصوم
تقوم الليل .. هتدخل نار
ساعات الذنب يبقى افضل من الطاعه
وممكن نسكن الفردوس .. بكلمه هزار



ياسمين /
ياحبيتي ..
بلاش معانده
دا اللي فات زى النهارده
الملك فوق الكتابه
والفقير مايروحش طابا
ونفسي اكونلك وتكونىلى
وهو ده حلم الكتابه
فمشي جنب الحيط نموت !

نمشي جوه الحيط نموت !
المشكلة مش بس قوت
المشكلة يسيبونا نحلم /
حتى لو جوه السكوت !
تحلمي .. ان انتي زينه
واني ليكي هركليز
وف النهايه برضه موت
بس دا الموت اللذيذ
تحلمي ..
ان انتي عبله ..
واني عنتر
بس حاسبي
الأهلى واخذ كل حاجه
واحنا ..
كل شوط نسنتر

حطوا أحلامنا ف رغييف
وحطوا فوق منها الطحينه
ف مش هكون لك هركليز
وانتي مش هتكونب زينه

بس نحلم
حتى لو نُوهنا ف سفينه
دا السفينه لما غرقت .. قالوا صدفه !!
وفرقونا ..
بعترونا
وجمعونا ..
يوم فضيحة برشلونه !
ياسمين /
هُما أحلامهم بتكبر
واحنا / أحلامنا ف بوغاز
ياحبيتي /
إكسرى لوح الإزاز
هتشوفيني ع الطبيعه
ياسمين /
بكرة هتفوت السنين
ويموت قابيل
ويعيش هابيل
ويبدء العُمر الجميل
بين شوارع فاضيه خالص
وزحمة السلطان حسين

وهتنزلى ف ميدان عراقي
وهتنزلي / وسط الحسين
وكل خوفي تسألني .. نفس السؤال
هو انت مين ؟ !!!

وساعتها اتوه
ماعرفش مين أصلاً أنا
يمكن عشان نفسي أنا
ويمكن عشان الناس أنا
ويمكن عشان .. تاه حلمنا
أو حلمي انا
ياسمين
ايه الفرق بينا وبين قريش ؟!
خلصت كل الأسئلة / ماجوبتنيش !
سبتيني انا دي /
وسبتي حلمي ع الرصيف !
كل الفصول اتوزعت
بين تالته أول ..
تالته تاني
ولقيتني لسه ف الخريف !

ياسمين

بين سكوتي وبين سكوتك ألف صوت
فماتقليبش حلمي بريهوت
وتحطي فيا ميت تابوت
ماكفايه علشانك بكيت
وكفايه علشانك هُوت



يامبعتراني بكلمتين ..

جسمي ارتجف

الله يسامح رقتك

قلبي اللي كان عتمه وضلام

نورتي فيه زي النجف

الله يسامح ..

كل الملامح والعيون

كل اللي فكر يوم يخون

كل اللي شافك واندلق

وقال بحيك ع الملاء

يانور وضي مالوش مثيل

بجد سبحان من خلق



ياسمين /

انا مابقيتش بعرف اتوب
بقيتي ذنب بفرح بيه
بصلي وصوم وكلي ذنوب
وربي رحيم بقرب ليه
بحبك حب لسه ماجاش
وبحلم تبقي ويايا
وخايف اصحى يوم ملقاش
عنيكي الحلوه جوايا
وبحلم بيكي ليل ونهار
تكوني جنبي ومعايه
انا مابقيتش غير انسان
بحبك بس وكفايه
بموت فيكي وفيكي بموت
وبصرخ بس من غير صوت
ياحب كبير ماله نهايه
انا بتمنى نبقي اتنين
بحب كبير بيجمعنا
نقرب حتى لو لحظات
نسيب مشاعرنا تسمعنا

تعالیٰ نروح لشط بعید
بلاش البعد یوجعنا
انا بسهر لوحدي بابات
بناجي ربي وادعيلك
ماتيجي نقرب المسافات
تغنيلي وغنيك
انا ماباقتش قادر اعيش
حببتي بجد من غيرك
ونفسي اقول بحبك ليه
ونفسي حببتي احكيك



ياسمين /

انا عايز اكونك كل الناس
أمك واخواتك واصحابك
انا عايز اكون حتى جيرانك
وصديق بيشيلك اسرارك
انا عايز اكون
بيتك ..
أوضتك
انا عايز اكون كل كيانك

واشيل من قلبك أي ألام
واكونك بسمه ف أيامك
تحكيلى سر كبير جداً
بتخافى لحد يكون عارفه
عن ماضي قديم
ومضارع مرفوض من صرفه
وألم موجود مهما تنامي ..
بيكون صاحي
وهموم وجراح
لما بتحكيلى بترتاحي
انا عايز اكونك يخت كبير
واخذك ونظير
وتكوني أميره ومحتاره
تلاقيني أمير
وتلاقي ف حضني شوق وحنان
انا عايز اكونك .. سوبر مان
وتاريخ منقوش جوه الأساطير
انا عايز امسح اي دموع
وجراح ف حياتك موجوده
وأكونك شئ .. لو كان ممنوع

انا عايزك دايما مبسوطه
اعمل اراجوز بوجي وطمطم
وأمثل .. فوازير فطوطه
انا عايز اكونلك شيكولاته
أو بُن القهوة المظبوطه
انا عايز اكونلك نسمة صيف
وحضن يضمك وقت الخوف
أنا نفسي أكونلك شئ موصوف
انا عايز اكونلك حدوته
انا عايز اكونلك كون افراح
بيشيل من قلبك أي جراح
واخرجلك بره المصباح
شُببِك لُببِك
الحلم مُتاح
نُفُسِك لو جت على تفاحه
تلاقيني شجرة تفاح



ياسمين
قلبي الي كان محبوس
حلمه الي عايشه كابوس
يشبه لميت حي
ساكن ف قلبه عيال
سيجه ونظ حبال
ييلفوا بيه ف الحي



ياسمين /
أنا معايا حدود اللعبة ..
سر الزرد
بحبك حب كله حنين ..
بلون الأرض
بحبك صيف ومحتاجك ..
ف لمسة برد
بحبك توت
وحلم بيوت
وصوت كتكوت
يصوصو لامه ساعة البعد

بحبك فرحه زعلانه
بحبك صحرا عطشانه
بتفرح لما تسمع رعد
بحبك ضي متعتم
وفرحة طفل متيتم
وساعة مهما بتقدم ..
تزين اليد
بحبك اقوى م الأحاسيس
و وجه جديد
بيضحك .. لسه ف الكواليس
و واحده بعد ست سنين
قالوها جنين
وفرحة بنت ف الثلاثين
و جالها عريس
بحبك طفل تاه ف زحام
وبعد ايام ملح أمه
بحبك قد كل دموع
وفرحه وهي بتضمه
بحبك نجمه وسط الليل
وفرحة شعب ألمانيا

بفوز سبعة على البرازيل

سمكه /

وقعت من الصياد

فرجعت تاني حُضن النيل

ومله فجأه قلبت فيل

وقهوه زياده بن ثقيل

وانا العابر فقدت الزاد

وبغرق وانتي ليا سبيل

بحبك حب خلاني

ف عز البرد عراني

ووسط الزحمه من غيرك

بحس بياني وحداني

بحبك حب بعد الموت..

طرح اشواق

فقولي لكل من حبه..

كفايه فراق

بحبك ليل .. بحبك شمس

بحبك بكره قبل الأمس

بحبك غنوه ساكناني

وصوت مكتوم يطلع همس

بحبك حب مش متقال
وضحكه بريئه ف الأطفال
وحلم لبنت ماتحققش
لكن جواها لسه مازال
بحبك حب فوق مكتوب
بحبك توبه بعد ذنوب
وبصبر صبر متصبر
وبحلم اني أكون أيوب
بحبك حب لسه ماجاش
بحبك عاصي يوم الحشر .. جنب النار
وربك قاله يتزحزح مايدخلهاش
فقير فرحان بنص جنيه
واحد مديون بيطلع ليه
بحبك ..
بدون ما اسأل بحبك ليه
بحبك وانتى ويايا
بحبك حتى وانتى بعيد
ياساكنه ف قلبي جوايا
يانبض لروحي جوه وريد
بحبك حب شكله جديد

بیشبه فجر بیشقشق
وفرحة طفل متعلق
لبس العيد
بحبك بيت
بحبك صيت
بحبك حب خلاني .. اقول حبيت



ياسمين
انا والحب كنا صحاب
بنشبه مطره جوا صحاب
بدوب فيكي ف وقت حضور
وبتضر ف وقت غياب



ياسمين /
الحب ف التفسير
ف الأصل كان مَعْنَاه
حَبَّة فرح ف القلب
بعد الفرح مُعَانَاه
كم قلب حب وداب
سهر الليالي عذاب

عن نفسه فجأه وتاه
الحب مش مكروه
بس ياريت تلقوه
ماصاحبش مره الآه
الحب لو من طرف
يقتل معاني الشرف
تتذل وانت معاه
ياأيها العشاق
جواكو أكبر داء
وعلاجه صعب وصعب
الحب شكله جميل
لكن ف لحظه يميل
تظهر مشاعر رعب
حبّة مشاعر سد
الحب أصلاً جد
كانت بدايته بلعب



ياسمين /

انا المروجع

عشان حسيت ..

بدمعة ساكنه ف عنيكي
أنا اللي بعيد ..
قريب جداً
وكل ما فيا مش ليكي
انا اللي بقيت ومافضيلتش
انا اللي بكيت ومازعلتش
سألت كثير
وبرضو .. لسه ما سألتش
ولسه لحد دلوقتي
بتُوه وقتي
بحبك موت
حاولت كثير اكون ليكي ومعرفتش



ياسمين

نفسى اعيش وياكي حبه
وبرضاكي وانتي حبه
لما اخاف من أي حاجه
جوه حُضنك استخبي

تبقى روعي .. تبقي ضلي
بادعي ليكي لما اصلي
لما كل الناس تسييني
إنتي اجمل شئ فاضلي

مهما هتزيد المسافه
لسه حبك بالإضافه
شوقي ليكي ف ازدياد
اغلى من سعر الصرافه

نفسى لما تقربيني
تبقى خايفه تحضيني
فتحضيني حُضن صعب
جوه منه توحشيني



ياسمين /

من كام سنة والحلم فينا عجوز
تايه ما بين ..

يكن

بايني

يجوز
منير معرفش ألعانه
وتاه اللحن عن فيروز



ياسمين /
قلبي اللي حبك صيف
عايش بنبض خفيف
حلمه يدوب ع القد
زي الجعان برغيف
وانتي اللي قلبك شتا
رافض يكون داني
كل اما اقرب شئ
ألقاكي بتخافي
طالبه دليل اثبات
طب عمل إيه ليكي
لو حبي مش كافي!؟



ياسمين /
الحب زاد ف البُعد
والبُعد زاد
مقدرش اقول اسمك هنا
غير شهر زاد
وانا شهر مايو الي عدا ..
كنت بحلم بالمعاد
وانتى الي حطمتي الفواصل
والتاريخ .. قبل الميلاذ
طلعتي قلبي ..
م التعاون ..
للإحتراف
انتى الي علمتي القصيده
وسن القلم مابقاش يخاف
حُبك خلاص عدى الطبيعه
عدى حدود المعجزات
وهتسمعي عن حُبنا
فى الbbc
زي سندريلا وسندباد



ياسمين

انا يمكن جايز بعد الشر
من بَعْدِكَ اعيش غصِبٍ عني ..
واكون مُضطر
انزل ف الشتاء وِبْلِيس خفيف
وَإَتَقِلْ جداً عز الصيف
لا انا عارف برد ..
ولا اعرف حر
التعلب فات
والدبه وقعت ف البير
حببتك اكر من روعي ..
أكثر بكتير
فازاي من بَعْدِكَ اكون عادي..
وبدون تغيير!؟
انا قلبي معاكي بيهواكي
مش قادر أبداً ينساكي
ف إديكي أسير



ياسمين /
كشكول الأوجاع
قلمه شطب حبر
فدادين الأحلام
كوابيس الأوهام .. سَكِنَتِهَا
مافضلشي منها الشبر

الصبر /
محتاج كتير للصبر
في ناس كتير مَيَّته
لكن ناقصها القبر



ياسمين /
مانفكريش
وقت البعاد هشتاق
أسف بجد
أنا قلبي متطعم فراق



ياسمين /
بيتنا القديم ..
يوم مالمينا العزال

سريري كان رافض يعزل
مرايتي بصتلي بوجع
كان كل مره تبصلي بتسريح
دلوقتي بتفارق
لكن/
بدون تصريح
مين اللي قال
" إيه ياخذ الريح م البلاط "
ف الفراق
أخذ اللي عايزه الريح
ف يوم ما عزّلنا
بنت الجيران ..
شباكها قالي بلاش
دولايي قرر ينكسر
يمكن ع الفراق مارضاش
حاجات كتير
ساعتها ..
ماحسيتهاش !
دبدوب حبيبتى
عمّال بيبيكي جوه قلب النيش

جدي /

كان لحظه يُصمّني

في اليوم دا معرفنيش

جدي الحزين فينا

واحنا اللي فينا حزين

حس بفراق البيت

صوت الحيطان بيئن

بس احنا مش حاسين

يمكن نكون ناسيين

ان احنا طين ف الأصل

وان الحيطان من طين

بيتنا القديم

بنفكر /

إن احنا ساكنين فيه

واتاريه بيسكُننا

بيتنا القديم /

أصيل

بعد الفراق بيومين

هو اللي جه زارنا

من يوم ماعرفتك ماشحنتش ..
ولا حتى معايه بليز كول مي
تليفوني اتكسر واتدشده ..
وبفكر حتى ف اني ارميه
وبفكر أوديه يتصلح ..
ف محل طبيعي هيلعب بيه
لكن مقدرش عشان صورك ..
ورسايلك برضك كلها فيه
النت فاضله اتنين ميجا ..
والقلب بيلعب دور سيجا
تايه من فتره ونفسي ألاقيه
انا قلبي اتنيل حب وتاب
تليفوني بيقلب برضك تاب ..
وساعات أيفون
الكادر المعوج من غيرك ..
محتاج لجادون
النص المكسور ف وجودك ..
أصبح موزون
بتمنى اشوفك لو بكره
انا عاقل جدا على فكره

بس الدكتور بيقول مجنون
كام مره اشوف البحر حزين
والموجه بتضحك على حزنه
الليل ف الصيف بقى شكله جريح
والضلمه بتهرب من حُضنه
انا جسمي متكتك سخونيه ..
بردان متكسر من جوه
مش قادر أتحرك خالص
علشانك بنزل بالقوه
تليفوني هيفصل شحن بجد
خليني أقابلك يوم الحد .. أو يوم لاتنين
فيه ناس ف غياي بتدعيلي
وانا برفع إيدي لربي أمين
بقولك ايه فكرتيني
انا عاصي ومذنب وفلاقي
لكن ماقدرش أسب الدين
قلبي الفلاح مزروع جرجير .. محتاج للري
قلبي اللي منور من غيرك .. محتاج للضي
انا يمكن مش عارف روعي
بسافر ابعد واتغرب..

ألقاني حبيبتى ف وسط الحى
تليفونى بيفصل شحن خلاص
محبوس محتاج يا حبيبتى خلاص
خايف لأكون ..

واحد من ضمن اتنين مليون
من بعدك قلبى هيتحطم .. زى التليفون
فبلاش تسيبيه

ألقاه على نصية سيدى جابر بيمد إيديه
مستنى يشوف حد بدالك بيحن عليه
فنجان القهوه بيتحول
ف بازوّد بن من الأول
السكر سعره ثمانية جنية
ومعدتش معايه جنية فضه
فيه واحد صلى الفجر اكيد ..
ولسه الظهر بيتوضى
بقولك إيه ..

على ناصية بيتنا حبيبتى كافيه / هستناكى
انا نفسى ف قهوه تكون مطبوط ..
طب ايه يودينا لكنتناكى !?
هو انتى حبيبتى بتتنازلى عن حقنا ليه

انا عمري ما كلت ف مره بانيه
الجمعه الجايه مافيش عطله
شاكي را بتلعب دور كومبارس
ويتحلم مره تكون بطله
يداخل بين الناس والناس
ماقريتش كثير سورة الإخلاص ؟
فيه ناس حلمها ف رغي ف وتنام
وناس حلمها تطلّع مريخ
لو خفرع كان يشبه خوفو
أورتيجا ينفع يبقى تاريخ؟!
لو قولنا حبيتي الحلم بكام
كان يبقى عليا ديوان احلام
فسيبيني ..

ارجوي ف كفر الشيخ

باكل عيش بلدي بجينه قريش .. وباحلي بشاي
تليفوني لحد الآن مافصلش .. ماعرفش ازاي
لو عندك حلم بلاش تقولييه .. لـ تلاقي كابوس
دا علاء الدين تاه من فتره .. مش لاقى فانوس
انا عارف إن الحلم برئ

والجرح بيشبه حزن صديق .. وف ضيق محبوس
الناس حلمها تضحك وتعيش ..
مش كل الحلم حبيبي فلوس
انا هفتح قلبي بوتيكَ أوجاع
وحاجات م الصعب انها تتباع
وهاخلي ف ظهر البيت مخزن
وهاجيب مقطوره نقل كبير
لكن يا حبيبي بدون تباع
هاتي كل هُمومك جوايا
ودموع مش لاقيالها نهايه
لو كل الناس مش قادره تشيل ..
هتلاقي حبيبي انا قلبي يساع



ياسمين /

في قلب متقسم مدن
وقلب متقسم بيوت
ف قلب طيب للسكن
وقلب عش لعنكبوت
في قلب يقربنا ليه

وف النهايه بنلاقيه
سابنا وسط جراح وموت

من بعدك قلبي اتصاب بالعجز
من فضلك بس ترُدِّي النكز
مش عايز اقرب من ثاني
قلبك "أبُونيه" مشغول بالحجز



ياسمين /
الوصول للحل ..
أكبر مشكله
الإجاباه عن سؤال
محتاج لعدة أسئله
الحياه مفتوحه تُخنَّق
واجمل مافيها مقفله
الحنين للنور
لسه محتاج للإضاءه
الضلمه أجمل ما ف حياتنا
بس نفتح ليها طاقه

الصديق أكبر عدو
الخيانه دليل براءه
كل اللي بيجملوك معاك
حتى تَسْقُط .. م البطاقه



ياسمين /
ليه لما الواد
بيحب البنه بيتباهي
والبنه بتكتم جواها
لو كان ده ذنب ف صاب لاتنين
فازاي الواد فرحان بيقول
والبنه تخاف لـ نكون عارفين!؟



ياسمين /
تحت خط القهر
اربع بنات واقفين
الأولى تحت السن
والتانيه ف الستين

والباقي بين أقواس
تناص غموض النص
والنص للتأويل
الدلتين للبنت
اعظم من الثوره
بس احنا مش حاسين



ياسمين /
جوه البنات ..
دبلة وفرح
بستان مرح
بس اختفى من جرحنا
حلم البنات مش حلمنا
اصل البنات مش زيُّنا
البنات مش زي الولد
البنات حاجة حنينه

البنات الحلم اللي بيحلم حبة أحلام
بتشوف أحلامها بتتحقق جوه الأفلام

أفراح فارقتها بقالها سنين ..
وبتحلم ترجع تلقاها
البنيت بتضحك من بره ..
ودموعها بتنزف جواها
في حاجات ف حياتنا مفارقانا
وحاجات فاكرينها وناسيانا
والبنيت بتفضل سهرانه والليل بينام
ف دولابها اوجاع
وجراح وهموم
مش بس تشيرتات وبلوزه
البنيت ماهيش حصة ترفيه
نحتاجها بس عشان عُوزه
البنيت شجاعة بتسكن خوف
وجراءة بتظهر جوه كسوف
وضحكه بتطلع رغم آلام
البنيت الحلم الي بيحلم حبة أحلام
البنيت ضعيفه قوية بدات
وكامله ناقصها طبيعى حاجات



ياسمين /

بشوف ف الناس

الضحكه جريحه بتتألم

وتأخذها الزحمه وترميها

وسكوت جواها بيتكلم

بشوف أحلام مش شايفانا

ودموع بتعشش جوانا

ورصيف عطشان

وبيوت بتئن

وبنت بتضحك زعلانه

حواديت تحكينا / بنحكها

وان بسمه شافتنا نغنيها

الفرحه بتفتح شبابيكنا

والكون زي حاره قصاد بيتنا

وف أول خطوه نتوه فيها

والحب بجرحُه وتعذيبه / أجمل إحساس

بشوف ف الناس

الضحكه جريحه بتتألم

وتأخذها الزحمه وترميها

وسكوت جواها بيتكلم
بتشوف أحلام مش شايفانا
ودموع بتعشش جوانا
ورصيف عطشان
وبيوت بتئن
وبنت بتضحك زعلانه



ياسمين /

كان ياما كان
ف توته وبیت وضلایا
وقصه حاسسها جوایا
بلاد واسعه على الآخر
ونهر طويل مألّه نهاییه
بلاد دینجا ..
أمیرها كان ديمقراطی
حاکم شعبه !
وشعبه عشان ماهوش لاقی
ف جیبه مافیش

يادوب هدمه ..
وُلُقمه تكفى ماتكفيش .. وكان راضى
بناتها حلمها ف طرحه
بنات الدبله ف إديها ..
باقالها سنين على يمينها
بنات الدمعه ف عنيتها
سنين الوحده تقتلها
وبنت تبص ف شمالها ..
وف يمينها ..
مافيش حاجه !
وناس بتموت ومحتاجه !
ونهر بيجرى ع الفاضى
وخيرها كثير ومش لينا
لإين البيه .. وللباشا
وانا وانتى ف كماشه
ف كفر ف حى وف حاره
غلابه كثير ومنداسه !
ولسه قلوبنا حساسه
أمير دينجا ..
طلب منّا نقول أحلامنا قُدامه

کثیر قامُوا
کثیر قالوا
وما عرفشي لفین راحوا
أخویا وقام یقول حلمُه
خدوه علی فین / مانیش عارف
ومش حلمُه .. ده حلم کثیر
ده حلم الجیل
ماهوش بایع
لکن ضایع .. عشان کوسه !
ومش حلمُه ..
ف لمسه إید وتسبیله وکام بوسه
لکن مسروق
ومین سارق؟!
لکن منهوب
ومین ناهب؟!
وقالوا بلدنا محروسه !
وجّه دوری أقول حلمی
أقول حلمی ؟
ودنیجا بحالها محبوسه !!?
حلمننا کثیر ..

لكن كوايبس بتتحقق !
كتمنا الحلم جوانا
رسمنا البسمه ع الخدين
نشوفها ف بعض فنصدّق
أقول حلمي؟!
أنا خايف .. ولازم أقول
فـ قولت انا حلمي اشوف ضلمه
وناس حلوه وناس ظالمه
وفيجه كثيره وفياجرا
شبابنا ماعدش فيه قُدره
ورقاصه وواد طائيش
فقالوا عبيط !!
فقولت عبيط وبـ ريالاه .. لكن عايش
دا ناس حلمت يكون ليها
وطلعت هي متدّانه
وناس حلمت بحبّة عدل
فـ صبحت جوه ززانه
وناس حلمت بدبله وطرحه زغروته
فصبحت جوه دوامه
كثير شوфина ..

كثير تُوهنا
وتاه الحلم جوانا
أمير دينجا
فتح دينجا بشكل عجيب
عشان دينجا
تكون دينجا لكل غريب
وخذ من قوتنا وإداهم !
ف وقت ما جوعنا علاهم !
ووقت ما موتنا هناهم !
أنا وانت ..
نجوع نعطش ونتعري
وخير دينجا يروح بره
ميتين مره باموت ف اليوم
ونفسى ف يوم أعيش مره
واشوف القبض بيكفى
وابات ف بلادى متدفي
واقول الحق
ألقى الحق من صفي
عَمَلْنَا كثير وبإيدينا
وطلع الحل مش كفي

وَشُوفت كَثير شجر مانجه ماهوش طارح
وَشُوفت حنان كَثير جارح
وَعُصن زَتون طارح خنجر
وقصر كَبير ف جبانه
وَعُول طايح
وَعَدنا كَثير يجيب لينا
لقينا الجي مش لينا
أتارى الجى كان رايح
بقولك إيه ..
مانيش عايز
عشان دينجا /
بتدى الجايزه للجاييز
وتدى الفيزه للفايز
وتلقى الحق للظالم
وتلقى السجن للمظلوم
وتلقى المنحه للمانح
وتلقى المحنه للممنوح
بنغرق واحنا مش حاسين
منين تيجى سفينة نوح؟!
ويطلع فينا كام شاعر
فيكتب نوح

ويكتب صورہ معكوسہ
فتلقی خيارنا ف الكوسہ
عشان الصدق مش مسموح
بقولك إيه ..
بلاد دینجا ..
ماہیش بلدی
بلاد دینجا
ماہیش بلدی
وباحمد إن انا ف بلدی
وخیر بلدی
عشان للفرد کام شقه
وبذر اسود ف بطیخه
بلاد دینجا ماہیش بطیخ وتعبانه
مؤلف دینجا .. كنت وكنا جوانا
عیط واهبل و- ریاله



یاسمین /
ماعدش باقي غیر وجود المہملات
تیشیرت لابسه بحملات

وتاريخ جدودنا الأوليا
خوفو وخفرع منقرع
ورئيس بلدنا الي اتخلع
وينطلون ضيق محزق ع البنات
وشيبسي حجم العائله
ممنوع جواز العاقله
إلا إذا
عدت حدود المعجزه
مخصوم ماينا حُضن ليل
وفراق جزا
وضحك جرح قلبنا
وأماني عدت بالأذى
كأبوس بيسكن حلمنا
وحاجات بتشبه هكذا



ياسمين /
انا لسه بعزف ع النايات
فعلن / فعولن / فاعلات
جوه القصيده اتكسرت كل الصور

كل البحور
وماعدش باقي غير حروف
حبة كلام فوق السطور
كل الصحاب اتفرقوا .. وقت المحن
وسابوني وحدي ف الزحام
شجر الزيتون ماطر حش غصن
ولسه بينادوا الحمام
ازاي ننام
والدم سايل ع الخدود
نحلم بصوت يطلع سكوت
يطلع نهار الشقشقه
يطلع نهار الشق شقا
ألقى الخطاوي مفرقه .. حلمي البسيط
وانا كنت بحلم اكون صلاح
أو فرد ف الجيش اللي مات علشان يعيش
نرفض حياة الموت .. ونموت حيا
ولأ الحيا اصبح ما فيش



ياسمين /

الحكاية لسه ناقصه

واحنا داخلين ف المناقصه

الفواصل فاضيه بنا

كملوها بألف رقصه



ياسمين /

مين اللي قالك توصلي قبل المعاد

وتخدعينا بفجر مطلعشي

الدم اصبح نيل

والسجن بالمرصاد

والفرح لم عزائه مفضلشي

يا أيها الولد الحزين

ياسمين بتطلب مهر ..

والقهر ميّلنا

غضروف طلع ف الضهر ..

ف وقفنا ماقدرنا

وصلنا بر غريق وياريتنا ماوصلنا

انا جوه مني ارشيف .. ووصيف بيحضنا

يا أيُّها الصابرين ..

ياسمين بتوعدنا

تحلق ف يوم دقتها ..

وتتّف على قېرها

لو قُومنا ووصلنا

ياسكة الأحزان .. يامفرقه الريحين

ياحلم كُله شمال ..

وانا اللي ملت يمين

قلبي اللي كُله سلام

فجأة اتمسك ف كمين

مدعوك ابوه الذل

ع اللي عشق ياسمين

ياأيها الصابرين

سيبتوني مستعجل

فاخذت كام إعدام ..

والحكّم متأجل

الدم كان احزان ..

وسمعنا مزيكا

طار الحمام منا ..

لما اتقتل جيكا
جيكا اتولد ف الموت
والموت ولد فينا
تاه الرصاص فجأه
ماعرفش غير مينا
ياأيها الطير المهاجر غصب..
والباقي بات محبوس
ياظلم ضاق جداً ..
ماسابشي حتى خلوص
ياحلم وحلمناه ..
حققنا منه كابوس
العيب يجوز م ال
ويجوز انا المنحوس
كولدير جديد للبشر ..
واحنا رجعنا لكوز
هو احنا كُنا سُلام ..
وكسرنا قشر الموز !?
ياشجرة الأوهام..
مبروك عليكى الفوز
يا أيها الحلم اللي لسه غريب

زي مركب ف عرض البحر
فجأه اتكسر مجداف
والموج صبح عالي
محتاجه صوت انقاذ
لكن كتمنا الصوت
علشان بقينا نخاف
فسكتنا بالتالي
ياعم يازبال ..
سيب للعيال لُقمه
وزود الصناديق
سيب الفيران حيه
ناكلها وقت الضيق
الأزمة صبحت حل
والفقر لينا صديق
سيب حلمنا ف البحر
البر أصله غريق
ياعم ياصراف
فرحنا اخر الشهر
بالقبض لو ساعه
نَسِينا كام ثانيه

ان الأمل والنور..
والضحكة متباعه
ارجوك بلاش تخصصم
م القبض تعريفه
الجوع كسر شهرنا
وأكلنا م الجيفه
وزعنا نص القبض ..
واكثر على الفواتير
والباقي جيبنا رغيف
عملته بوست وشير
كل اللي جاي مطبوط
واحنا اللي ضد السير
ياعم يابقال ..
اديني ع النوته
تونة وجبنه وبيض
ولبنتي بسكوته
واذكرنا ف التواريخ
ميت ألف حدوته
ياعم ياكمسري
ماقطعتش التذكرة ..
وهي قاطعاني

وفضلت قاعد ورا ..
قداامي أوجاعي
ارجوك ماتفضحنيش
انا جوعت بعث النيش
وبيعتني بـ مافيش
مابقيتتش انا بتاعي



ياسمين /
سُزيف ..
لسه بيحاول صُعوده للهبوط
لسه بيكمل حياته لجل موت
لسه صوته العالي جداً
ف احتياجه لألف صوت
واحنا نشبه للعرايس
بس ماشيين بالريموت



ياسمين /

من تحت تحت ال تحت

طلعنا فجأه لفوق

طرطشنا بعض بدم

ماعرفنا مره نفوق

شربنا كاس الوجع

من غير ما حد يدوق

يارب ماتسييناش

دا الضحكه ف الإنعاش

والفرح مات مخنوق



ياسمين /

هنا كان فيه ..

يادوب انسان .. وبني آدمين

بواقى نزار

بتكتب شعر يوم حطين

فؤاد حداد ..

قال النص قبل جاهين

وعنخ أمون
دماغه كسرت الأسفلت
وروميو مات .. وقلبه حزين
وخوفو هج للقلعه .. وجاب أي باد
وعنتر حب ليلي مراد
وخفرع مره فتح الشات
فـ شاف صافيناز .. عملها آد
قالتله كلام غرام سهواك
وغنيتله بادوب ف هواك
ولإنه ف الأساس

فنام مرتاح
قابلها مره ع القهوه
وشربوا شيشه بالتفاح
قفشهم مره ف الحمام ..
همان فرعون
بيعملوا شئ ماكنش مباح
بيشربوا بانجو ف إزاره ..
بشكل جنون
فنادى صلاح
صلاح مارجعشي من عكا

ومينا موحد القطرين
يا عيني احتاس على فكه
وعمك يوسف الحجاج
قتل صالحين ..
وزار مكة
ثمُّ ساعات
سنين اوقات
بقولك ايه
هنا كان فيه كتير أموات



ياسمين /

نزلت دموع أسوان ..
على بورسعيد ف الطرح
كان مستحيل ابتدي قبل ابتداء الجرح
وانا كل يوم بنجرح بحلم أقابل فرح
البحر شد الحيل
صب الجراح ف النيل
ساب الغموض للشرح

لسه المراكب..
دغه بدون مجداف
ظهر الفساد ف البر
خلى الي جي عجاف
الخير زهق مننا
سافر بعيد عننا
باينه يمكن خاف

الحق تاه لما اتعرف
مات النهار والليل خلف
حببتي فكك منهم
مالقاش معاكي جنيه سلف



ياسمين

فرعون هيهلك ألف مره ان عاد
لا هتنفعه السحره
لا دقه للأوتاد
فامتزعليش من ظلم

بطش العباد لو زاد
ربك بإيده الخير
وكل شئ بمعاد
أهلك ثمود من قبل
وف لحظه أهلك عاد

لحظة فراق ياسمين

وانا كنت بخاف لو يوم نبعد
وناخذها عناد
واهو أصبح بُعد ماهوش كافي
اصبح أبعاد
مسافات الغربه ماهيش صعبه
الصعب عليا يكون بينا /
حبة مسافات

كتبت اسمك بدون تشكيل
وقلمي نسيته ف الكشاكيل
رميتني ف لحظه جواكي
صحيت على إني بهواكي
وإنك فجأة ناويه رحيل

الليل هيرجع عتمته من بعد نور
وهيبني سور
صعب ان يقدر يوصله
غير اللي قدروا يوصلوا عبر الكسور
وهناك جسور
مايعدهاش ..
غير اللي قلبه إستاء
وركن خاص للمدبوحن ..
والركن فيه أركان
للمعدومين طعنأ بسهم فراق
وف كل ركن اشياء
قلوب بتنزف وجع
وقلوب بتنزف هم
يمكن نزيف الدم ..
اهون كتير م الداء
ف قلب لما اتعصر
مانزلشي غير هو
و قلب لما انجرح
نزل النزيف جوه
وقلب كان عضلات

بَعْدَ الْفِرَاقِ أَزْمَاتِ
مَا فَضَّلْشَ فِيهِ قُوهِ
عَمَلْتُ زِي حِمَارٍ ..
بَصَيْتُ بَعِيدَ الْحَرْبِ ؟!
عَمَالَ تَحَاذِرَ نَاسٍ .. ؟
وَالطَّعْنَهُ جِثٌّ مِنْ قُرْبٍ !
وَسَكَنْتُ رُكْنَ الْمَدْبُوحِينَ ..
وَبَقَيْتُ رَفِيقَ الدَّرْبِ
مَلَيْتُ هُدُومَكَ .. جُوهَ كَيْسٍ مَقْطُوعِ
وَبَحِثْتُ عَنْكَ فِيكَ
وَفِ نَاسٍ كَثِيرٍ حَوَالِيكَ
وَسَأَلْتُ لِمَا زَهَقْتَ
طَلَعَ السُّؤَالَ مَمْنُوعِ
صَاحِبِكَ كَثِيرِ الْوَجَعِ
مَعَ إِنَّهُ مَشَّ مَوْجُوعِ
مَوَاضِيْعَ كَثِيرٍ ابْتَدَتْ
أَصْلًا بَدُونَ مَوْضُوعِ
وَيَارِيْتَهَا لَوْ تَنْتَهِي
عَلَى قَدِّ بَسِّ دَمُوعِ
فِ الرُّكْنِ دِهٍ ..

طَعَمَ الحياة معدوم
والأكل جاي من شجر ..
بيشبه الرقّوم
هتنام كابوس جواك
وتقوم كمان وياك
تتمنى لحظه هلاك
نفسك تكون معدوم
رغم البشر حواليك ..
انت الوحيد ف الركن
ومعاك صحاب زييك
يمكن مابتشوفهمش
ولا هما شايفينك
هما اللي لو سمعوك
هيكونوا حاسيينك
بس انت بتفضفض
مع ناس بتسمع بس
ولا هُما فاهمينك
الهم ده بالذات
عايش بيسكن ذات
بالغصب ساكنينك

وجرح قلبك زاد
طب اقولك ايه تاني
اتنين ف رُكن الفرخ
سكنوا هنا وسابوه
لما ابتدوا ف عناد
عند .. بعند .. بعند
فاختاروا يبقوا بعاد

كان لازم اعرف
إن الذهب غالي
واني ف حياتها رخيص
واني يدوب عندها
كومبارس ف الكواليس
وان الفراق موجود
فلعبنا دور خلاويص

تمني ماجبش اسوره
ولا حتى خاتم إيد
زيدي البعاد حبه
خلي المسافة تزيد

القُربُ لهُ فإيدهُ
والبعد برضو يفيد
شكراً ياعم فراق
أوحيت لي نص جديد

شكل واضح للفراق
نص فاضح للرحيل
ياللي بُعدِك كُلُّهُ حنضل
زي قربك مستحيل
دمعي سال ع الأرض منك
شق جوه الصحرا نيل
قلبي تاه من يوم ماحبك
رغم إنه كان دليل

ولانك قررتي بنفسك
وبدون اعذار
انا هابعد عنك وهسيبك
واخذت قرار
ازاي انا أرخص من فنجان
مركون ف النيش ؟

لو قريك جنه وييعتيني ..
فـ ماتلزمنيش
من فضلك اختصري خداعك
وسيبيني اعيش
سيبيني انا لم حبه / سنين
واضحك للناس
وانا قلبي حزين
واقابل فرح .. مايعرفنيش
من فضلك .
مش ناقصه عتاب
وكفايه فراقنا مالوش اسباب
انا ليا اصحاب .. بيحبوني
فـ سقوني حشيش
أنا أكثر واحد حب بجد
وأكثر واحد حلمه اتهد
وأكثر واحد فاق.. مالقيش
انا دمعي بيشبه للمطره
وعيونى سحاب
انا ببيكي لوحدي ومش قادر
زي طفل وضاع منه الألعاب

مش عارف اهرب من روجي
او اروح للشيخ يعملي حجاب
انا يمكن موجود بعديكي ..
ولكني غياب
انا ليه حبيت ؟
ربي العالم
معرفش انا ليه
كان نفس أقابل حب يدوم
أو حب بانیه
حب مشفي ..من اي جروح
حب يخليك تشبه لملك
"جاك"
"روز"
لساها بتستناك
كان نفسي نكون
أنا وانتي ف نفس الحدوته
وأداري احزان
وأبان مبسوط
علشان انا شايفك مبسوطه
كان نفسي أكون
أنا وانتي تاريخ

زي مثلاً
" روميو وجوليت "
او أجمل منهم بكتير
نصبح أفلام
روايات حوادث
كان نفسي نظير
نفرح
لكن يا خساره لقيتني باكيت
طب اقولك سر
انا بيكي الآن
ودموعي بتنزف جوايا
أنا نفسي أموت مش بس عشان
لكن محتاج ألقى نهايه
كل اللي بيحصل بعدديكي ..
أنا ماعرفهوش
أنا سامع ان كلينتون مات ..
وهايمسك بوش
ومبارك قال كلمه بسيطه ..
وانا ماسمعتوش
أنا حاسس
إني بقيت مجنون

محتاج اتعالج ف مصحه
محتاج اني ابعده عن روحي
وبفكر حتى أودعها
شوفي أكرم بَعْدَكَ
اصبح إليه
ويا عالم بُكره هتبكي عليه
ولا انتي خلاص قلبك باعها
هو انا جيت مره وزعلتك ؟
ولأ انا كان طبعي الحنيه ؟
أنا فعلاً حبيتك جداً
لكن يا خساره اني ضحيه
متشكر جداً على تعبك
وقرار إعدامك يوم ليا

وداع يا حبيبتي بالتوفيق
ياريتني فضلت حتى صديق
بدوس إعجاب وبعمل شير
وبكتب إسمي ف التعليق



ياسمين /

كنتي القصايد كلها

أول وآخر سطر

وبدأنا قصة نفترق

وكتبت أول سطر

قطعت اول تذكره

وركبت آخر قطر

لو تسمحي..

بالراحه وانتي بتجرحي

قلبي اللي حبك داب

أصبح وحيد

الحزن فيه بيزيد

من كل فرح غياب

لو تسمحي ..

طالما قادره تمسحي ..

كل الرسايل والصور

وتسيبي قلبي بدون فلاش

لو ناويه فيا تدبجي

أنا لسه برجوكي بلاش

انتى الأمل ..
وحب مستنيه ..
من كام سنه وماجاش
لو تسمحي ..
انا برضو عايز أشكرك ..إنك مزودتيش
وانك ف أول نقط
بعتي ومافضلتيش
فعلاً قتليني
وانتي الي سببيني
لكني هاقدر أعيش
شكراً حبتي وداع
شكراً على الأوجاع
شكراً وشكراً شكر
قتلي حلمي البكر
وكنت فرحي ضاع

وباضحك ضحكه مجروحه
ياليل ماعرفش غير مجاريح
وناس م الحب مدبوحه
بتفرح ليه بكل فراق

ولما الفرح ودعنا
جاوبني بجد
هو انت صحيح
بتتنوس بأوجاعنا !?
بتعشق بنت زعلانه
عشان م الحزن سهرانه
بنسهر وانت تسمعنا



ياسمين /
قلبي اللي تاه من كُتر
خرجته برة القُطر
نزفت مشاعره دموع
بعد الفراق موجوع
ليكي جزيل الشُّكر

وبكتبلك حبييتي اهداء
أخيراً جينا وقت فراق
أخيراً فجأه سَلَمنا
بدأنا رحلت الأشواق

لا هازعل إني حبيتك
وفاكرك عمري مانسيتك
وبدخل ضد مني سباق
هارتب نفسي من بكره
هاشيل من قلبي كام ذكرى
وهمسح مني كل الناس
واسيبك انتي على فكره
هاعزل مني واسكني
وقلبي دموعه بتخوني
واشوفني بعد منك داء



ياسمين /

انا اللي مشتاق للُّقا
وانا اللي محتاج للرحيل
الهروب من ضي عينك معجزه
واللجوء ..
برضو إليكي مستحيل
النخيل..
كان صعب يعزف للوداع

والوداع ..
كان صعب يعزف للنخيل
قلبي اللي سهران منتظر
لحظة شروق الليل
مشقوق وجع
كان فيه زمان أشباه مطر
قلبي اللي سيبتيه ف الخطر
محتاج رجوعك
ارجعي
ميت ألف خطوه عملتها
ولسة فيه مشوار طويل
لا انا اللي عارف اهتدي
ولا حتى عارف اضل
قُربك عذاب
والبُعد عنك ذل
بالله عليكي حرام
وكفايه كتر ألآم
محتاج لعشقك حل
آخر ظهور للشمس
كان لسه من ساعتين

سَلِّمْ وقال بالهمس
طب ليه بقينا اتين
مع اني مابدخنش
مسكت ولاءه
وعشان يتوه الوقت
ماظبطتش الساعه
كان في زمان قبلنا
حكايات عن العشاق
لكن خلاص بَعَدْنَا
عرفوا انها اشاعه
شط التعاون بكى ..
من فتره علشاننا
وشارع الإصلاح ..
ياحبيتي فكرنا
هو الفراق كان جد ؟
ياسمين
بايخ قوي هزارنا

قلبي اللي حبك م الزهق
عشقك ف وقت البُعد
ماتيجي مره نتفق
نرجع حبيبي لبعض

كان نفسي كثير اسمع صوتك ..

ماسمعش نجاهة

قررتي تكووني بعيد عني

قررت حاجات

واحد ..

انساي واعيش بَعْدك

اتنين ..

مافكرش ف يوم بَعْدك

تلاته ..

لِ كُلكِ على بعضِك

حُبِكِ ازمات

صحيح مش هانكر حبيتك

وف نن عنيا انا خبيتك

بكذب وبقول اني نسيتك

وبعيش ف آهات

وهكمل عمري بعيد لازم
وف نار البُعد هنتقاسم
ونشوف الجرح كبير راسم
دمع ومسافات
هنعيش انا وانتى بنتألم
وقلوبنا بتبكي وتتكلم
هنعيش يا حبيبتى وهنسلم
هنعيش أموات

انا عايز بس تطمئني
مش عايز حتى اسمع صوتها ..
ولا اشوفها كثير
مش عايز غير تبقى سعيدة ..
عصفور بيطيير
مش عايز منها تقربني
ولا عايز انها توعديني
انا عندي اشوفها بتشتمني
وبتضحك خير
لو بُعدي يريح ..
هبقى بعيد

وعشان فرحانه ..
انا هبقى سعيد
ياسمين /
إيه يعني اتألم علشانك ..
ودموعي تزيد
أنا قلبي اتعلق وبعثلك ..
روكست وأد
وقبلتي صداقتي لكن لسه ..
ياحبيبتى بعاد
ومنير " ماعرفش يغنيك
ولا ليلي مراد
والليل سهران ويحكيلك
مليان أوجاع
سامحيني انا كنت ثقيل جداً ..
وعملت صداع
أنا فعلاً .. حبيبتك
من روحي كمان
وبعيط انك مش ليا
علشان انسان
طب فاكره كلامك ويايا

طبعاً لازم تبقي نسيتي
مش عايز اشوفك مجروحه
أو حد يخليكي بكيتي
طب عارفه امبارح ..
كنت هموت
بس انا مارضيتش اقول ليكي
ونطقت شهادتي برب الكون
وشهدت بياني بموت فيكي

بعثتلك مليون رساله
ولسه برضو استحاله
وقلبي من غيرك خراب
شئ ومستني الإزاله

أنا هبعده بعيد جداً
عن نفسي بعض الوقت
وهسيبني ماعرفنيش
لأني مني زهقت
انا قولت ليا زمان
بلاش تعيش إنسان

وسط البشر بالذات

لكن ..

أكني ماقولت

انا همشي واتغرب ..

عن كل شئ فيا

وان شوفتني معايا

هاسيبني وحديا

ف حاجات كثير فينا

راحت ومش جايه

ف ازاي هكون

وحبييتي مش ليا

انا بُعدي عني قرار

والقُرب صعب يعود

ولكل شئ محتار

طعم الأم موجود



ياسمين /

عايز اقولك ف الختام

لما اجيلك ف المنام

خلي كل الحلم صافي
حلم خالي م الألام
واما تفتكري الي بينا
خلي بالك م الي كان
قلبي من بَعْدِكَ مِعْزَلِ
لسه واقف ف الممكان
إنتي أغلى حاجه عندي
وقلبي بيحب العناد
لسه مش عايزك تعودى
وبرضو مش قد البعاد
مش بإيدي
قلبي من جواه صعيدي
لسه رافض لاعتذار
وانتي لما عرفتي إني
كنتي خدتها بهزار
انتى حاسه اني خُنتك
والحقيقة ماخُنتكيش
مش بقول علشان تعودى
زي مانتى ماترجعيش
قلبي يمكن بَعْد مَنَّكَ

زي شارع فيلم رعب
ف العذاب م البُعد عنك
بس يرجع تاني صعب
بس اقولك وبصراحه
انتي اكبر حُب فيا
كنت بحلم بيكي دائماً
كنت بحلم تبقي ليا
بس برضو شئ غريب
وقت ما قربنا سيينا
كنت عايزك جنب مني
بس يمكن مش نصيينا
بعد منك
قلبي قابل للوفاه
رغم إنه ف السليم
فجأه يتشد اشتباه
الشتا قرب رحيه
وقلبي تايه مش لاقيه
كنت بحلم ترجعيه
لو قدرتي ترجعيه
بعد منك

صعب إني أكون تمام
والكلام الحلو إنتي
وانتي غاييه م الكلام
عايز اقولك ف الفراق
إني بغرق إشتياق
وان بُعدك عني يمكن إبتلاء
وان دُرُج دُولايي فاضي وخلقلي ضاق
واني يمكن مُستفاد
نص مكتوب ف البعاد
شئ عبيط
إني بَعْدك هستفاد !!
استفاد ازاي وقلبي ..
بعد مِنك ف اكتئاب ؟!
وان كُلي جوه مني
لسه حاسس بالغياب ؟!
بَعْد مِنك
الجنيه بقى ف انهيار
وأزمه جامدة ف الدولار
واققتصاد الكون ف ورطه
وانتي بإيديكي القرار

بعد مِنِكَ

لسه باقي كثير حروف

لسه باقي حاجات كثير

مستحيل تقبل ريهوف

بعد مِنِكَ

قلبي خايب مش كسوف

رغم انه شجاع طبيعي

لما سابك يوم تضيعي .. حس خوف

الظروف الطاحنه بنا

زي غزه والجولان

رغم إن خصامنا لسه

بس حاسه من زمان

صدفة..

أكرم
بصيتها
بدأت تقولي
مش فاكرني ؟ !
طلّعت م الشنطه .. دِبله !
عليها اسمي
مش فاكرني ؟
طلّعت
جوابين قدام
سلسله
صوره ليا من زمان
بريزة أيام الورق
كنت راسم
قلب فيها
وجوه منهُ
حرف منها

وحرف مني
مش فاكرني ؟
طلّعت م الشنطه
شارع رضا
شارع شبين
محطة المترو
كوبرى قصر النيل
كتاب درويش
صلاح جاهين
رحلة قناطر
كام هديه ودمعتين
طلّعت /
كوكب عطارد
وقالتى ياللاً نروح إليه
لو مكاني ..
هتعمل ايه ؟
طلّعت م الشنطه
قلبي
وهي فيه
مش فاكرني ؟

انا اللي بَعْتَك من سنين
انا الحب اللي فيك
وانا اللي جِئَاكَ ..
بين إيديك
فبلاش تبِيعني
أكرم
مش فاكرنى ؟
وازاي قِدرت سنين فُرَاقِي ؟
ألف واحد
يتمنوا نظره
ماعرَفش ليه
أصبحت دائي ؟
لسه كل صُحاي
بيلوموني لِأني سِيتك
أكرم /
هو انا ..
لسه ..
حبيبتك ؟
كبريائي
اتذل ليك

وانت عارف كبريائي
قلبي جابني غصب عني
مش فاكرني ؟
من يوم ما سيبتك
الشمس غابت عن حياتي
والليل طول
والنوم مفيش
ممکن نقرب من جديد ؟
وتروح تشوفني .. ماتلقانيش
تزعّل /
أجري واصالحك
تضحك
نطير
نودع العُمر اللي خدنا بالعناد
نرَجّع من جديد .. عصافير
نلملم كلام الحب بينا
من شارع رضا
ونجری للكورنيش
نعلم الجيل الجديد حبنا
و تجييلي ورده ..

م البياعين

مش كل حَبَّه يُنْطُوا بَيْنًا

نفسى اقوَلْكَ كلمتين

مش فاكرني؟

أكرم /

انت فاكر

بس بتعوض جروحك

مش عارفني؟

لو نسيته

هتلاقيني جوه روحك

أكرم /

ليه بتنكر؟!

سمعت إنك

كتبت فيا كام قصيده

أكرم

مارتبطش بعد منك

ولسه ياسمين الوحيدة

للتواصل مع الكاتب



Akram Hassan



01026771143

002 01009117229

